



ՈՒՍՈՒՑՉԻ ԱՌԱՐԿԱՅԱԿԱՆ ԳԻՏԵԼԻՔԻ ՍՏՈՒԳՈՒՄ

2023

ՊԱՏՄՈՒԹՅՈՒՆ

ԹԵՍՏ 1

ԽՄԲԻ ՀԱՄԱՐԸ

ՆՍՏԱՐԱՆԻ ՀԱՄԱՐԸ

Հարգելի՛ ուսուցիչ

Խորհուրդ ենք տալիս առաջադրանքները կատարել ըստ հերթականության:
Ուշադիր կարդացե՛ք յուրաքանչյուր առաջադրանք: Եթե չի հաջողվում որևէ առաջադրանքի
անմիջապես պատասխանել, ժամանակը խնայելու նպատակով կարող եք դրան անդրադառնալ
ավելի ուշ:

Թեստ-գրքույկի էջերի դատարկ մասերը կարող եք օգտագործել սնագրության համար:

Կարդացե՛ք մեջբերումը և պատասխանե՛ք 1-ին և 2-րդ հարցերին:

«Իմ այնքան ծառայությունների, արյուն ու քրտինք թափելու... հատուցումն ա՛յս եղավ: Բայց այս մահը երանի՛ թե ձեռք վրա ինձ հասներ»:

1 **Հայոց սպարապետներից ո՞վ է ասել վերը բերված խոսքերը:**

- 1) Սմբատ Բագրատունի
- 2) Վաչե Մամիկոնյան
- 3) Աշոտ Բագրատունի
- 4) Մուշեղ Մամիկոնյան

2 **Նշված ճակատամարտերից ո՞րն է գլխավորել խոսքերի հեղինակ սպարապետը:**

- 1) Վարդանակերտի ճակատամարտ
- 2) Ցլու գլուխ լեռան ճակատամարտ
- 3) Արյան լճի ճակատամարտ
- 4) Ձիրավի ճակատամարտ

Կարդացե՛ք մեջբերումը և պատասխանե՛ք 3-րդ և 4-րդ հարցերին:

«Նա հավատարիմ պահապանն էր արդարադատության և իր կենցաղավարության մեջ զուսպ էր, նաև չափավոր ու ողջամիտ էր, ինչպես լավագույնները՝ հույների և հռոմայեցիների մեջ»:

3 **Հայոց թագավորներից ո՞ւմ է այսպես բնութագրել պատմիչը:**

- 1) Տիգրան II
- 2) Սանատրուկ
- 3) Վռամշապուհ
- 4) Արտաշես I

4 **Ո՞վ է մեջբերված խոսքերի հեղինակը:**

- 1) Ապպիանոս
- 2) Արիանոս
- 3) Պլուտարքոս
- 4) Տակիտոս

Կարդացե՛ք մեջբերումը և պատասխանե՛ք 5-րդ և 6-րդ հարցերին:

«...Ժողովուրդը ոտքի է կանգնել և իր հազարավոր զավակներին մղում է դեպի ռազմի դաշտ.... Վերջին պատերազմական ու քաղաքական անցքերը որոշ լքում, ոգու անկում էին առաջացրել: Այսօր այդ հիվանդությունը բուժվում է, հին խիզախությունը վերածնվում է, և այդ փրկության միակ իրական ելքն է մեր դժվարին պայմաններում ու ժամանակներում: Ի զե՛ն, մեր քաջե՛ր, դեպի՛ ռազմադաշտ»:

5 Ո՞ր մարմինն է վերը բերված կոչի հեղինակը:

- 1) Երևանի Հայոց ազգային խորհուրդ
- 2) Թիֆլիսի Կենտրոնական Հայոց ազգային խորհուրդ
- 3) Հայոց ազգային բյուրո
- 4) Արևմտահայ ազգային խորհուրդ

6 Ի՞նչ իրադարձության կապակցությամբ է արտահայտվել վերոհիշյալ միտքը:

- 1) 1918 թ. Մայիսյան հերոսամարտ
- 2) Վանի 1915 թ. հերոսամարտ
- 3) Ուրֆայի 1915 թ. հերոսամարտ
- 4) Զեյթունի 1896 թ. հերոսամարտ

7 Ո՞վ է ստորև ներկայացվող խոսքերի հեղինակը:

«...Հույս կա, որ թե՛ Ռուսաստանը, թե՛ Անգլիան ու Ֆրանսիան ուժ կտան մեր պահանջներին, և մոտ ապագայում կստեղծվի ազատ Հայաստան: Համենայն դեպս, այդ հույսով ենք ապրում բոլորս և միայն դրա համար աշխատում»:

- 1) Ալեքսանդր Խատիսյան
- 2) Հովհաննես Թումանյան
- 3) Սիմոն Վրացյան
- 4) Գևորգ Ե Սուրենյանց

8 Ո՞ր պայմանագրի կնքման կապակցությամբ է արտահայտվել վերոհիշյալ միտքը.

«Մենք չենք կարող երբևիցե հրաժարվել հողային պահանջներից, որոնք մեզ համար անհրաժեշտություն են, մեր կենսունակության և ապրելու կարելիության առաջին պայմանը»:

- 1) Բաթումի պայմանագիր
- 2) Ալեքսանդրապոլի պայմանագիր
- 3) Կարսի պայմանագիր
- 4) Մոսկվայի պայմանագիր

Կարդացե՛ք մեջբերումը և պատասխանե՛ք 9-րդ և 10-րդ հարցերին:

«Հայաստանի կառավարությունը, համաձայն բովանդակ հայ ժողովրդի միահամուռ կամքի և ցանկության, հայտարարում է, որ այսօրվանից Հայաստանի բաժան-բաժան մասերը մշտնջենապես միացած են իբրև անկախ պետական միություն»:

9 Ո՞ր փաստաթղթից է մեջբերումը:

- 1) Հայաստանի անկախության մասին հռչակագիր
- 2) Հայոց ազգային խորհրդի բանաձև
- 3) Միացյալ Հայաստանի անկախության հռչակագրի ակտ
- 4) ՀՀ բյուրո-կառավարության որոշում

10 Ե՞րբ է ստորագրվել այդ փաստաթուղթը:

- 1) 1919 թ. ապրիլի 28
- 2) 1919 թ. մայիսի 28
- 3) 1920 թ. ապրիլի 28
- 4) 1920 թ. մայիսի 28

Կարդացե՛ք մեջբերված խոսքը և պատասխանե՛ք 11-րդ և 12-րդ հարցերին:

«Դիմում է ՄԱԿ-ի անդամ պետություններին, միջազգային կազմակերպություններին, բարի կամքի տեր բոլոր մարդկանց՝ անկախ ազգային և կրոնական պատկանելությունից, միավորել իրենց ջանքերը պատմական արդարությունը վերականգնելու և Հայոց ցեղասպանության զոհերի հիշատակը հարգելու համար»:

11 Ո՞ր փաստաթղթից է մեջբերումը:

- 1) «Երկկողմ դիվանագիտական հարաբերությունների հաստատման և զարգացման մասին» արձանագրություն
- 2) ԵԱՀԿ Մինսկի խմբի համանախագահության նիստի որոշում
- 3) «Հայոց ցեղասպանության 100-րդ տարելիցի համահայկական հռչակագիր»
- 4) ՄԱԿ-ի անվտանգության խորհրդի որոշում

12 Ե՞րբ է ընդունվել այդ փաստաթուղթը:

- 1) 2009 թ. հոկտեմբերի 10
- 2) 1999 թ. սեպտեմբերի 22
- 3) 2014 թ. փետրվարի 22
- 4) 2015 թ. հունվարի 29

13

Տերմինների կամ հասկացությունների տրված բացատրություններից ո՞րն է ճիշտ:

- 1) Արևմտյան Հայաստանում Ռուսաստանի Ժամանակավոր կառավարության կողմից ստեղծած վարչական միավորը կոչվում էր Թուրքահայաստան:
- 2) 1918 թ. մայիսին Դանիել Բեկ-Փիրումյանի գլխավորությամբ ստեղծված գործախումբը կոչվում էր Երևանյան դիվիզիա:
- 3) 1844 թ. Կոստանդնուպոլսում ստեղծված և հայ համայնքի գործերի կազմակերպմանը մասնակցող մարմինը կոչվում էր Երեսփոխանական ժողով:
- 4) Արևմտահայ գորաբաժնի ստեղծման նպատակով կյանքի կոչված օրենսդիր մարմինը կոչվում էր Հայաստանի անվտանգության խորհուրդ:

14

Տերմինների կամ հասկացությունների տրված բացատրություններից ո՞րն է ճիշտ:

- 1) Պալատական արարողությունների և Արշակունյաց շառավիղների դաստիարակության համար պատասխանատու գործակալը կոչվում էր թագադիր ասպետ:
- 2) Կիլիկյան Հայաստանի արքունիքի մեջ մտնում էին արքունի խորհուրդը, բարձրագույն դատական ատյանը, գործակալությունները:
- 3) Բագրատունյաց թագավորական տիրույթներից հավաքագրված ռազմիկներից կազմված զորքը հայտնի էր ոստանիկ այրուձի անվամբ:
- 4) Կիլիկյան Հայաստանի արքունի եկամուտները և ծախսերը տնօրինող գործակալը կոչվում էր կանցլեր:

Ընտրե՛ք տերմինների կամ հասկացությունների սխալ բացատրությունները:

- ա. Հայ ազգաբնակչության շահերը պաշտպանելու նպատակով ԱՄՆ-ում Հայ հեղափոխական դաշնակցության կողմից ստեղծված կազմակերպությունը կոչվում է Հայկական ազգային կոմիտե կամ Հայ դատի հանձնախումբ:
- բ. «Այլախոհ» հասկացությունը խորհրդային երկրում ի հայտ եկավ 1960-ական թթ. և բնութագրում էր մարդկանց, ովքեր գաղափարական պայքար էին մղում խորհրդային իշխանության և նրա գաղափարախոսության դեմ:
- գ. Հայկական համաշխարհային կոնգրեսի առաջարկով կազմված պատվիրակության՝ ԱՄՆ-ի պետքարտուղարի տեղակալին ներկայացված փաստաթուղթը կոչվում էր միացյալ Հայաստանի անկախության հռչակագիր:
- դ. ԽՍՀՄ-ում հաստատված ամբողջատիրական համակարգին բնորոշ գծերից էր օրենսդիր, գործադիր և դատական իշխանությունների տարանջատումը:
- ե. ԽՍՀՄ 1936 թ. նոր Սահմանադրությամբ Հայաստանը հռչակվեց միութենական հանրապետություն և կոչվեց Հայկական Խորհրդային Սոցիալիստական Հանրապետություն:
- զ. ԽՍՀՄ-ում զանգվածային ձերբակալությունների և հանիրավի բռնությունների ենթարկված քաղաքացիներին անվանում էին «ժողովրդի թշնամիներ»:
- է. Իոսիֆ Ստալինի մշակած «ՌՄԴԽՆԸ և անկախ հանրապետությունների փոխհարաբերությունների մասին բանաձևի նախագիծը» ստացել է «Ինքնավարացման ծրագիր» անվանումը:
- ը. 1920 թ. Արևելքի ժողովուրդների առաջին համագումարի կողմից ձևավորված մարմինը կոչվում էր «Միության և համագործակցության խորհուրդ»:

1) գ, դ, ը

2) բ, գ, ը

3) գ, է, է

4) ա, դ, գ

Ընտրե՛ք տերմինների կամ հասկացությունների ճիշտ բացատրությունները:

- ա. Փետրվարյան ապստամբության հաղթանակից հետո Երևանում ստեղծված իշխանության մարմինը կոչվեց Հայաստանի փրկության կոմիտե (ՀՓԿ):
- բ. Պետական մարմինը, որը ընդունել է «Լեռնային Ղարաբաղի մարզում իրադրությունը կարգավորելու միջոցառումների մասին» որոշումը, կոչվել է ԽՍՀՄ Գերագույն խորհուրդ:
- գ. Արցախահայության իններորդ համագումարում երկրամասը կառավարելու համար կազմված անկախ մարմինը կոչվում էր Ղարաբաղի ժողովրդական կառավարություն:
- դ. Խորհրդայնացումից հետո ՀՄԽՀ-ում ստեղծված իշխանության տեղական օրենսդիր մարմինները կոչվում էին ժողովրդական կոմիսարիատներ:
- ե. Թուրքական զորքի կողմից հայկական մի շարք տարածքներում ստեղծած «անկախ հանրապետությունների» կառավարությունները, որոնք հրաժարվում էին ենթարկվել ՀՀ կառավարությանը, կոչվում էին «շուրաներ»:
- զ. 1987 թ. հունիսի 18-ին 1915 թ. հայերի ցեղասպանությունը դատապարտած մարմինը կոչվում էր Եվրոպական միություն:
- է. Հունաստանի ազատագրական բանակի շարքերում ֆաշիստների դեմ կռվող հայկական պարտիզանական ջոկատը հայտնի էր «Ազատություն» անունով:
- ը. Մոսկվայում 1921 թ. ստորագրված խորհրդա-քեմալական հակահայկական փաստաթուղթը կրում էր «Ռուս-թուրքական անկեղծ բարեկամության և փոխօգնության» պայմանագիր անվանումը:

- 1) ա, ե, գ
- 2) բ, ե, է
- 3) բ, դ, է
- 4) ա, գ, ը

17

Վանի թագավորության արքաներին վերաբերող հետևյալ պնդումներից որո՞նք են ճիշտ:

- ա. Ասորեստանյան աղբյուրներում Վանի թագավորությունը կոչվում է Արարատ, իսկ տեղական արձանագրություններում՝ Նաիրի և Բիայնիլի:
- բ. Իշպուհինի կառավարման երկրորդ շրջանում կատարվել է կրոնական բարեփոխում՝ ստեղծվել է միասնական դիցարան թագավորության համար:
- գ. Մենուան, մի շարք հաղթանակներ տանելով Ասորեստանի նկատմամբ, Վանի թագավորությունը վերածել է գերտերության:
- դ. Արգիշտի I-ի գահակալության ժամանակաշրջանում Վանի տերությունն ունեցել է տարածքային ամենամեծ աճը:
- ե. Ռուսա II-ին հաջողվել է բարեկամական և դաշնակցային հարաբերություններ հաստատել կիմերների հետ:
- զ. Թիգլաթպալասար III-ը Ռուսա I-ի օրոք արշավել է Արդինի-Մուսասիր և թալանել Խալդիի տաճարը:
- է. Ռուսա I-ը Սևանա լճի ավազանում կառուցել է երկու խոշոր ամրոցներ՝ անվանակոչելով Խալդի և Շիվինի աստվածների անուններով:

- 1) ա, գ, է
- 2) գ, դ, ե
- 3) դ, գ, է
- 4) բ, գ, ե

18 **Տրված պնդումներից որո՞նք են ճիշտ:**

- ա. Խղճի ազատության սկզբունքը Մաղաքիա արքեպիսկոպոս Օրմանյանը համարում էր ազգը պառակտող գաղափար:
- բ. Անտոն Գարազաշյանը հասարակական առաջադիմության վճռական ուժ է համարել լուսավորությունը:
- գ. Արմաշի վանքում բացված կրթօջախն արևմտահայերի համար ունեցավ նույն նշանակությունը, ինչ Լազարյան ճեմարանն՝ արևելահայերի համար:
- դ. Պերճ Պոռշյանի անմիջական ջանքերով Շուշիում և Երևանում բացվել են երկսեռ դպրոցներ:
- ե. 19-րդ դարի վերջին արևմտահայության մեծ մասին հասանելի էր կրթությունը:
- զ. «Բազմավեպ» պարբերականը տպագրվում է 1843 թվականից առ այսօր:
- է. 19-րդ դարի երկրորդ կեսին Արևելյան Հայաստանում գործող պետական դպրոցներում ուսուցման պարտադիր լեզուներն էին հայերենն ու ռուսերենը:

- 1) բ, դ, է
- 2) ա, գ, զ
- 3) բ, դ, է
- 4) ա, բ, գ

19 **Տրված պնդումներից ո՞րն է սխալ:**

- 1) Գերմանացի ֆաշիստների դեմ պայքարող հերոսուհի պարտիզան Հերմինե Ռազգրադյանը Ռուսիայից էր:
- 2) Հայաստանի անկախության մասին հռչակագրով վերականգնվում էին Հայ առաքելական եկեղեցու ոտնահարված իրավունքները:
- 3) Հայ նշանավոր ճարտարագետ–էներգետիկ Հովսեփ Տեր–Աստվածատրյանը գլխավորում էր Հայաստանի հիդրոտեխնիկական շինարարությունը:
- 4) 1938 թ. Արմֆանի նախագահ է նշանակվել արևելագետ, ակադեմիկոս Հովսեփ Օրբելին:

Մտորն տրված պնդումներից որո՞նք են սխալ:

- ա. 2015 թ. հունվարից Հայաստանը դարձել է Եվրասիական տնտեսական միության լիիրավ անդամ և իր ակտիվ մասնակցությունը բերել կազմակերպության կայացման գործընթացին:
- բ. Խորհրդային Հայաստան 1921–1936 թթ. և 1950–1982 թթ. ընթացքում միասին վերցրած ավելի շատ մարդ է հայրենադարձվել, քան Մեծ հայրենադարձության տարիներին:
- գ. Մինչև Հայաստանի Երրորդ Հանրապետության հռչակումը երկրում արդեն ներդրվել էր բազմակուսակցական համակարգ:
- դ. ԽՍՀՄ կառավարության որոշմամբ՝ 1947 թ. Խորհրդային Հայաստան պետք է ներգաղթեին շուրջ 63 հազար սփյուռքահայեր, սակայն մի շարք պատճառներով հանրապետությունը կարողացել է ընդունել միայն 25 հազար մարդ:
- ե. 1962–1982 թթ. անհատական կարգով և առանձին խմբերով աշխարհի 40 երկրներից Հայաստան է ներգաղթել մոտ 42 հազար մարդ:
- զ. Թուրքիայի կողմից 1974 թ. Կիպրոսի հյուսիսային մասի բռնազավթումն այնտեղ բնակվող հայության մի մասի արտագաղթի պատճառ է դարձել:
- է. 2011 թ. ՀՀ նախագահի առաջարկությամբ ստեղծվել է հանրային խորհուրդ՝ Վազգեն Մանուկյանի նախագահությամբ:

- 1) ա, դ, է
- 2) բ, գ, է
- 3) բ, է, է
- 4) ա, գ, դ

21

Նշված պատճառներից որո՞նք են նպաստել Կիլիկյան Հայաստանի համար բարենպաստ միջազգային իրադրության ստեղծմանը XII դարի վերջին:

- ա. Բյուզանդիան մեկընդմիջտ հրաժարվել էր Կիլիկիայից:
- բ. Կիլիկյան Հայաստանը դարձել էր միջազգային առևտրի ամենախոշոր կենտրոնը:
- գ. Խաչակիրների պետությունները դադարել էին գոյություն ունենալուց Արևելքում:
- դ. Եգիպտոսի սուլթանությունը որոշ ժամանակ զբաղված էր խաչակրաց տիրույթների նվաճումով:
- ե. Կիլիկյան Հայաստանը ռազմաքաղաքական դաշինք էր հաստատել Վենետիկի և Ջենովայի հետ:
- զ. Իկոնիայի սուլթանությունը պատրաստվում էր դիմագրավելու խաչակրաց երրորդ արշավանքին:
- է. Ամրապնդվել էր դաշինքը մոնղոլների հետ:

- 1) բ, դ, է
- 2) ա, գ, է
- 3) ա, դ, գ
- 4) բ, է, գ

22

Տրվածներից որո՞նք են 1905–1906 թթ. հայ–թաթարական ընդհարումների հետևանքներ:

- ա. Թուրքիան մեծացրել է թաթարներին ցուցաբերվող գաղտնի օգնությունը:
- բ. Հայությունը մարտական լուրջ փորձառություն անցավ:
- գ. Գերիշխող է դարձել արևելահայության և արևմտահայության միասնության գաղափարը:
- դ. Ցարիզմը չէր յալ է համարել հայ եկեղեցական գույքը բռնագրավելու մասին օրենքը:
- ե. Բարձրացել է հայ մտավորականության դերը արևելահայության կյանքում:
- զ. Բարձրացել է հայերի վստահությունն իրենց ուժերի նկատմամբ:
- է. Սկսել է արձարծվել Արևելյան Հայաստանի ինքնավարության գաղափարը:

- 1) բ, դ, է

- 2) ա, ե, գ
- 3) բ, գ, գ
- 4) գ, ե, է

23

Տրվածներից որո՞նք են Հայոց Մեծ եղեռնի հետևանքներ:

- ա. Վերացվել են 1500 հայկական կրթօջախներ:
- բ. Ավելի քան 2,5 միլիոն արևմտահայությունից կոտորվել է 1,5 միլիոնը:
- գ. Մահմեդականացվել են մոտ 350 հազար հայեր՝ հիմնականում երիտասարդ տղամարդիկ և կանայք:
- դ. Հայերի շարժական և անշարժ գույքը վերադարձվել է իրենց ժառանգներին:
- ե. Ամերիկյան բանկերում պահվող արևմտահայերի ավանդները տրվել են թուրքական իշխանություններին:
- զ. Հայոց հայրենիքի մեծ մասը հայաթափվել է:
- է. Տեղահանված 300 հազար հայեր վերաբնակվել են Արևելյան Հայաստանում և Անդրկովկասի տարբեր վայրերում:

- 1) ա, գ, դ, գ
- 2) բ, ե, գ, է
- 3) ա, բ, գ, է
- 4) բ, գ, ե, գ

24

Թվարկվածներից որո՞նք գյուղատնտեսության կոլեկտիվացման հետևանքներ չեն:

- ա. 1930–ական թթ. վերջին Հայաստանում կար ավելի քան 1000 կոլտնտեսություն:
- բ. Մենատնտես գյուղացիությունը վերափոխվել է կոլտնտեսային գյուղացիության:
- գ. ԽՍՀՄ–ը դարձել է աշխարհի ամենահզոր արդյունաբերական երկիրը:
- դ. Գյուղացիության մի մասը համալրեց քաղաքային բնակչության, բանվոր դասակարգի շարքերը:
- ե. Ծավալվեց նեպր, և զարգացան ապրանքադրամական, շուկայական հարաբերությունները:
- զ. Գյուղացիների տեղաշարժը կասեցնելու համար իլեցին նրանց անձնագրերը:
- է. Նյութական շահագրգռվածության սկզբունքի վրա հիմնված սոցիալիստական տնտեսաձևի առկայության պայմաններում բոլոր կոլտնտեսություններն արձանագրել են տնտեսական բարձր ցուցանիշներ:

- 1) ա, բ, գ

- 2) դ, ե, գ
- 3) գ, ե, է
- 4) բ, գ, է

25 Պատմական իրադարձությունները դասավորե՛ք ժամանակագրական հաջորդականությամբ:

- ա. Դվինի երկրորդ եկեղեցական ժողովի գումարումը:
- բ. Մեծ Հայքի բաժանումը Հռոմեական կայսրության և Պարսկաստանի միջև:
- գ. Վարդան Կրտսերի ապստամբության սկիզբը:
- դ. Վաչագան Բարեպաշտի գահակալման սկիզբը:
- ե. Հայաստանի բաժանումը Բյուզանդիայի և Պարսկաստանի միջև:
- զ. Արուճի իշխանական պալատի կառուցումը:

- 1) բ, ա, դ, ե, գ, զ
- 2) բ, դ, ա, գ, ե, զ
- 3) ա, դ, բ, ե, գ, զ
- 4) ա, ե, բ, գ, զ, դ

26 Տիգրան Մեծի գործունեության հետ կապված իրադարձությունները դասավորե՛ք ժամանակագրական հաջորդականությամբ:

- ա. Պտղոմայիս քաղաքի նվաճումը:
- բ. Հայկական բանակի մուտքը Կապադովկիա:
- գ. Վիրքի և Ադվանքի հպատակեցումը:
- դ. Հայ-պարթևական հաշտության պայմանագրի կնքումը:
- ե. Հայոց արքայի բազմելը Սելևկյան գահին:
- զ. Կորդուքի միացումը Մեծ Հայքին:

- 1) գ, զ, բ, դ, ա, ե
- 2) գ, բ, գ, դ, ե, ա
- 3) գ, ա, բ, դ, գ, ե
- 4) գ, գ, բ, ա, դ, ե

Կարդացե՛ք մեջբերումը և պատասխանե՛ք 27-րդ և 28-րդ հարցերին:

«Ձեր ոչխարները խժռում են մարդկանց»

27 Ո՞վ է մեջբերված խոսքերի հեղինակը:

- 1) Նիկոլո Մաքիավելի

- 2) Ֆրանսուա Ռաբլե
- 3) Ջովանի Բոկասչո
- 4) Թոմաս Մոր

28

Թվարկված աշխատություններից ո՞րն է գրել խոսքերի հեղինակը:

- 1) «Ուտոպիա»
- 2) «Տիրակալը»
- 3) «Արևի քաղաքը»
- 4) «Դեկամերոն»

Կարդացե՛ք մեջբերումը և պատասխանե՛ք 29-րդ և 30-րդ հարցերին:

«...Վարշավան, Պրահան, Բեռլինը, Վիեննան, Բուդապեշտը, Բելգրադը, Բուխարեստը, Սոֆիան՝ այս բոլոր հայտնի քաղաքները և այդ շրջանների բնակչությունը գտնվում են խորհրդային գոտում և ենթարկվում են այս կամ այն ձևով ոչ միայն խորհրդային ազդեցությանը, այլ նաև Մոսկվայի զգալիորեն ուժեղացող վերահսկողությանը...»:

29

Ո՞վ է մեջբերված խոսքերի հեղինակը:

- 1) Ուինսթոն Չերչիլ
- 2) Հարի Թրուման
- 3) Կլեմենտ Էտլի
- 4) Ջորջ Բուշ Ավագ

30

Որտե՞ղ են ասվել վերը բերված խոսքերը:

- 1) ԱՄՆ
- 2) Մեծ Բրիտանիա
- 3) Լեհաստան
- 4) Հարավսլավիա

Կարդացե՛ք մեջբերումը և պատասխանե՛ք 31-րդ և 32-րդ հարցերին:

«Դուրս գալով անախորժություններով լի այս ժամանակներից մեր 5-րդ նպատակը կլինի նոր աշխարհակարգը, որը կարող է ի հայտ գալ իբրև նոր դարաշրջան՝ ահաբեկչության սպառնալիքից ավելի ապահովագրված, ավելի հզոր՝ արդարության հետապնդման գործում և ավելի ապահով՝ խաղաղության որոնումներում...»:

31 Ո՞վ է մեջբերված խոսքի հեղինակը:

- 1) Միխայիլ Գորբաչով
- 2) Ջորջ Բուշ Ավագ
- 3) Վլադիմիր Պուտին
- 4) Ջորջ Բուշ Կրտսեր

32 Ե՞րբ է ասվել մեջբերված խոսքը:

- 1) 1990 թ. սեպտեմբերի 11
- 2) 1991 թ. դեկտեմբերի 8
- 3) 2001 թ. սեպտեմբերի 11
- 4) 2000 թ. մայիսի 15

33 Տերմինների կամ հասկացությունների տրված բացատրություններից ո՞րն է ճիշտ:

- 1) Հռոմի պապի աշխարհիկ պետությունը Միջին Իտալիայում կոչվում էր Սրբազան հռոմեական կայսրություն:
- 2) Ինվենստիտուրա էր կոչվում այն արարողությունը, երբ սենյորը ավատը հանձնում էր վասալին:
- 3) Խաչակիրները Բյուզանդիայից զավթած տարածքներում ստեղծել են խաչակրաց պետություն՝ Երուսաղեմի թագավորությունը:
- 4) Սովորության իրավանորմերի հիման վրա ստեղծված օրենսգիրքը Ֆրանկական թագավորությունում կոչվում էր «Ազատությունների մեծ հրովարտակ»:

34

Տերմինների տրված բացատրություններից ո՞րն է ճիշտ:

- 1) Երկրորդ համաշխարհային պատերազմից հետո Գերմանիայի Ժողովրդավարական Հանրապետության տնտեսության թռիչքաձև զարգացումը կոչվում է «գերմանական հրաշք»:
- 2) Ավտարկիա՝ նշանակում է ինքնապահովում:
- 3) Դիրիժիվմը նախատեսում էր պետության միջամտությունը կրթության ու մշակույթի կառավարմանը:
- 4) Իրանի Իսլամական Հանրապետությունում 12 հոգևոր և աշխարհիկ գործիչներից կազմված վերահսկիչ խորհուրդը գլխավորող առաջնորդը կոչվում է ռահբար:

35

Տրված պնդումներից ո՞րն է ճիշտ:

- 1) 1921 թ. խորհրդա-իրանական պայմանագրով Իրանն իրավունք է ստացել Կասպից ծովում նավատորմ պահել և ազատ առևտուր անել:
- 2) Տերությունների հետ երկարատև բանակցությունների արդյունքում Հիտլերը իրավունք է ստացել Գերմանիայում մտցնել ընդհանուր զինվորական ծառայություն:
- 3) 1950-ական թթ. սկզբին տեղի են ունեցել խորհրդա-չինական ռազմական ընդհարումներ:
- 4) 1946 թ. Իտալիայում անցկացված հանրաքվեում ժողովուրդը քվեարկել է միապետության հռչակման օգտին:

Տրված պնդումներից որո՞նք են ճիշտ:

- ա. Հարավային Գերմանիայում ինդուլգենցիաների վաճառքը հանձնարարվել էր Ֆրանցիսկյան միաբանության անդամներին:
- բ. Ռեֆորմացիոն շարժումը սկսվել է Շվեյցարիայի Վիտենբերգ քաղաքում Ժան Կալվինի 95 դրույթների հրապարակումով:
- գ. Հուգենոտների առաջնորդ Հենրիխ Բուրբոնը ընդունել է կաթոլիկություն և դարձել Ֆրանսիայի թագավոր:
- դ. Ռեֆորմացիոն շարժումը հատկապես սուր բնույթ է ընդունել Անգլիայում և վերածվել երկարատև քաղաքացիական պատերազմի:
- ե. Երեսնամյա պատերազմը ավարտվել է Բուրբոնների պարտությամբ:
- զ. Ուտրեխտի միությունը հիմք է դրել Միացյալ Գավառների Հանրապետության ստեղծմանը:
- է. Վեստֆալյան հաշտության պայմանագրով Իսպանիան վերջնականապես հրաժարվել է Նիդերլանդներից:

- 1) ա, գ, է
- 2) դ, ե, զ
- 3) բ, գ, է
- 4) գ, զ, է

37

Տրված պնդումներից որո՞նք են ճիշտ:

- ա. Վերսալյան հաշտության պայմանագրով Գերմանիան կորցրեց իր տարածքի 1/8-րդ մասը և զրկվեց իր բոլոր գաղութներից:
- բ. Վերսալյան հաշտության պայմանագրով Ֆրանսիան ստացավ Էլզասը, Լոթարինգիան և Սաարի մարզը:
- գ. Անգլիացի տնտեսագետ Ջ. Քեյնսը բացահայտեց Մեծ ճգնաժամի պատճառները և հիմնավորեց, որ պետությունը պետք է կարգավորի տնտեսության զարգացումը և ապրանքների բաշխումը:
- դ. ԽՍՀՄ-ի տնտեսությունը 1925 թ. դրությամբ գլխավոր ցուցանիշներով հասել էր նախապատերազմյան մակարդակին:
- ե. Թուրքիան հանրապետություն է հռչակվել 1921 թվականին:
- զ. Ականավոր հեղափոխական Սուն Յաթսենի գլխավորած կառավարության քաղաքականությունը հենվում էր երեք գլխավոր սկզբունքների վրա՝ ազգայնականություն, ժողովրդավարություն և հասարակության բարօրություն:
- է. Իրանի Մեջլիսի որոշմամբ Ռեզա խանը 1921 թ. հռչակվել է շահ:

- 1) ա, դ, գ
- 2) բ, ե, է
- 3) բ, գ, է
- 4) ա, գ, գ

38

Գիտատեխնիկական հեղափոխությանը (ԳՏՀ) վերաբերող հետևյալ պնդումներից ո՞րն է սխալ:

- 1) ԳՏՀ առաջին փուլում արձանագրվել են խոշոր նվաճումներ՝ ատոմային ռումբ, էլեկտրոնային հաշվիչ մեքենա, Երկիր մոլորակի արհեստական արբանյակ և այլն:
- 2) ԳՏՀ երկրորդ փուլը բնութագրող նվաճումներից են՝ անհատական համակարգիչը, բջջային հեռախոսը, համացանցը և այլն:
- 3) ԳՏՀ երկրորդ փուլում է սկսվել տիեզերքի յուրացման գործընթացը:
- 4) ԳՏՀ շնորհիվ ի հայտ են եկել սպասարկման և հանգստի նոր ոլորտներ:

39

Թվարկվածներից որո՞նք են Իվան IV Ահեղի գործունեության հետևանք:

- ա. Տապալվել է Ռսկե հորդայի տիրապետությունը:
- բ. Ռուսաստանը բաժանվել է 50 նահանգների:
- գ. Ստեղծվել են կառավարման համապետական միավորներ՝ պրիկազներ:
- դ. Քաղաքները ստացել են ինքնակառավարման իրավունք:
- ե. Մտցվել է զինվորական ծառայության նոր կարգ՝ ըստ ծագման և ըստ հավաքագրման:
- զ. Ռուսական եկեղեցին դարձել է ինքնուրույն՝ չենթարկվելով Կոստանդնուպոլսի պատրիարքին:
- է. Ռուսական պետությանը միացվել են Կազանը, Ուկրաինան, Մերձբալթիկան:

- 1) ա, գ, է
- 2) գ, է, զ
- 3) ա, դ, զ
- 4) գ, դ, է

40

Տրված իրադարձություններից ո՞րն է ստեղծի ունեցել հինգերորդը ըստ ժամանակագրական հաջորդականության:

- ա. Ճապոնիայի վարչապետ Տանակայի կողմից ծավալապաշտական ծրագրի մշակումը:
- բ. Սևրի պայմանագրի կնքումը:
- գ. Սիրիա պետության ստեղծումը:
- դ. «Ֆաշի դի կոմբատիմենտո»-ի հիմնումը:
- ե. ԱՄՆ-ի և Գերմանիայի միջև առանձին հաշտության պայմանագրի կնքումը Առաջին աշխարհամարտից հետո:
- զ. ԽՍՀՄ-ի ստեղծումը:
- է. «Նոր կուրսի» քաղաքականության գործադրումը ԱՄՆ-ում:
- ը. Լոզանի հաշտության պայմանագրի կնքումը:

- 1) գ
- 2) է
- 3) ը
- 4) է

41

Տերմինների կամ հասկացությունների տրված բացատրություններից որո՞նք են ճիշտ:

- 1) Վանի թագավորության շրջանում օգտագործված սեպագիրը կոչվում էր հիերոգլիֆ:
- 2) Հայկական հելլենիզմի պատմության երկրորդ փուլը կոչվում է «բուն հելլենիստական» ժամանակաշրջան:
- 3) Վանի թագավորությունում գործում էր Ավագների խորհուրդը, որի անդամները համարվում էին արքայի «խորհրդականներ»:
- 4) Հայկագուն-Երվանդականների օրոք գորքի գերագույն հրամանատարը կոչվում էր առաջին սպարապետ:
- 5) Շումերական բնագրերում հիշատակվող Հայկական լեռնաշխարհի՝ մինչ օրս հայտնի առաջին վաղ պետական կազմավորումը կոչվում է Արատտա:
- 6) Ըստ հայկական ավանդազրույցի Հայկ նահապետի ժառանգներից Արամ նահապետի անունից առաջացել է Հայաստանի «Արմենիա» անվանումը:
- 7) Հնդեվրոպական նախահայրենիքն ընդգրկում էր Հայկական լեռնաշխարհը, Միջին Ասիան, Միջագետքի և Իրանական սարահարթի հյուսիսարևմտյան շրջանները:

42

Ընտրե՛ք տերմինների կամ հասկացությունների ճիշտ բացատրությունները:

- 1) 19-րդ դարի կեսերին թուրքական իշխանությունների կողմից արևմտահայ գյուղացիությունից գանձվող գլխավոր հարկը կոչվել է աշար:
- 2) Արևմտյան Հայաստանի տարածքում գտնվող Հասան կալա բերդը, նրա գրավումից հետո, Ա. Պուշկինն անվանել է Արզրումի (Երզրումի) բանալի:
- 3) Անդրկովկասում Գ. Գոլիցինի փոխարեն նշանակված Ի. Վորոնցով-Դաշկովի զբաղեցրած պաշտոնը կոչվում էր Կովկասի կառավարչապետ:
- 4) Զանգեզուրը բուլշևիկյան զորքերից ազատագրելուց հետո Գ. Նժդեհի ղեկավարությամբ երկրամասը կառավարելու համար ստեղծված մարմինը կոչվել է Զանգեզուրի հայոց ազգային խորհուրդ:
- 5) Մինչ 1919 թ. սկիզբը Զանգեզուրի վարչական իշխանությունն իրականացնող մարմինը կոչվել է Զանգեզուրի գյուղացիության ժամանակավոր խորհուրդ:
- 6) Առաջին աշխարհամարտի ժամանակ հայ կամավորական շարժման կազմակերպչական աշխատանքները գլխավորող մարմինը կոչվել է Հայոց ազգային բյուրո:

- 7) 1826-1828 թթ. ռուս-պարսկական պատերազմի առաջին ամիսներին կազմակերպված զորամիավորումները կոչվել են կամավորական գումարտակներ:

43

Ընտրե՛ք տերմինների կամ հասկացությունների ճիշտ բացատրությունները:

- 1) Արցախյան շարժումը ղեկավարելու համար 1988 թ. փետրվարի 22-ին ստեղծված մարմինը կոչվում էր «Ղարաբաղյան շարժման Հայաստանի կոմիտե»:
- 2) 1989 թ. հունվարի 11-ին ԽՍՀՄ Գերագույն խորհրդի նախագահության կողմից ԼՂԻՄ-ում ստեղծված կառավարման մարմինը կոչվում էր «Հատուկ կառավարման կոմիտե»:
- 3) 1989 թ. օգոստոսի 16-ին Ստեփանակերտի պետական թատրոնի շենքում տեղի ունեցած Լեռնային Ղարաբաղի ազգաբնակչության լիազոր ներկայացուցիչների համագումարում 80 հոգուց ընտրված մարմինը կոչվում էր Ազգային խորհուրդ:
- 4) Նոր Սահմանադրության նախագծի մշակման նպատակով 1990 թ. նոյեմբերի 15-ին ստեղծված մարմինը կոչվում էր «ՀՀ Ազգային ժողովի սահմանադրական հանձնաժողով»:
- 5) «Հոչակագիր Հայաստանի անկախության մասին» փաստաթղթով Հայաստանի բարձրագույն օրենսդիր մարմինը՝ Գերագույն խորհուրդը, վերանվանվում էր Ազգային խորհուրդ:
- 6) 1991 թ. սեպտեմբերի 2-ին Ստեփանակերտում տեղի ունեցած Լեռնային Ղարաբաղի պատգամավորների մարզային և Շահումյանի շրջանային խորհուրդների համատեղ նստաշրջանում ընդունված որոշումը հայտնի է «Հոչակագիր Լեռնային Ղարաբաղի Հանրապետության հոչակման մասին» անունով:
- 7) 1991 թ. դեկտեմբերի 8-ին Բելոռուսիայի Բելովեժյան անտառում կայացած հանդիպման ժամանակ որոշվել է ստեղծել նոր միություն՝ Ինքնիշխան Պետությունների Միություն անունով:

44

Հետևյալ պնդումներից որո՞նք են ճիշտ:

- 1) Հռոմեա-պարթևական տասնամյա պատերազմի ժամանակ հայկական ուժերը Արտագերս ամրոցում ուժգին դիմադրություն են ցույց տվել Կորբուլունի գործին:
- 2) Մեծ Հայքի դրածո թագավորներից Արտավազդ IV-ը վարել է Հայաստանի պետական շահերից բխող քաղաքականություն:
- 3) Վաղարշ II-ի և Սեպտիմիոս Սևերոսի միջև կնքված պայմանագրով կայսրը գումար էր վճարելու հայոց այրուձիին՝ Կովկասյան լեռնանցքների պաշտպանության համար:
- 4) Մեծ Հայքի թագավորությունում դրածո թագավորների կառավարման շրջանը Մովսես Խորենացին բնութագրել է որպես «ժամանակ անիշխանության»:
- 5) Տրդատ II-ի թագավոր հռչակվելուց հետո հայերը ջախջախում և Հայաստանից դուրս են վտարում Կարակալայի ուղարկած զորքը:
- 6) Տրդատ II արքան Հռոմեական կայսրությունում գտնվելու տարիներին կայսեր փոխարեն մենամարտել է գոթերի իշխանի հետ:
- 7) Ոսխայի ճակատամարտում հայ-հռոմեական միացյալ ուժերը ջախջախել են պարսից Ներսեհ արքայի զորքին:

45

Մեծ Հայքի Արշակունյաց արքայատոհմի կառավարման շրջանում տեղի ունեցած իրադարձություններին վերաբերող հետևյալ պնդումներից որո՞նք են ճիշտ:

- 1) Խոսրով III Կոտակի հրամանով աշխարհատեր նախարարներից ոչ ոք չպետք է մարտի գնար արքունի գործի հետ:
- 2) Հայոց կաթողիկոս Գրիգորիսի մարմինը ամփոփված է Արցախի Ամարաս գյուղում՝ Վրթանեսի կառուցած եկեղեցում:
- 3) Հայ եկեղեցու առաջին ժողովը հրավիրել է Ներսես Ա կաթողիկոսը Այրարատ նահանգի Շահապիվանի Մայր եկեղեցում:
- 4) Պապ արքայի օրոք հաստատվել է Հայոց կաթողիկոսական աթոռի սկզբնական ինքնուրույնությունը:
- 5) Մանվել Մամիկոնյանը տեր կանգնելով Մամիկոնյան տոհմի տանուտերությանը՝ հայոց թագավոր Վարազդատից պահանջել է հեռանալ երկրից:
- 6) Հայոց արքա Տիրանը, ելնելով պետականության շահերց, մշտապես

համագործակցել է Հուսիկ կաթողիկոսի հետ:

- 7) Խոսրով IV արքան, ստանալով Շապուհ III-ի համաձայնությունը, հայոց կաթողիկոս է նշանակում Սահակ Պարթևին:

46

Հետևյալ պնդումներից որո՞նք են ճիշտ:

- 1) Ամենայն հայոց կաթողիկոս Աբրահամ Կրետացու ջանքերի շնորհիվ Նադիր շահը չեղյալ է համարել Արարատյան դաշտի հայերի մի մասին Պարսկաստանի խորքերը փոխադրելու իր հրամանը:
- 2) Միքայել Նալբանդյանը հայ ժողովրդի ազատագրությունը կապում էր սոցիալական, համաեվրոպական արդար հասարակարգի ստեղծման հետ:
- 3) 18-րդ դարում Ամենայն հայոց կաթողիկոսները թուրք և պարսից տիրակալներից բազմիցս պահանջել են մահմեդականություն ընդունած հայերին զրկել իրենց հարազատների ունեցվածքն առաջնահերթ ժառանգելու իրավունքից:
- 4) Հայ ազատական միտքը 1870-80-ական թթ. թևակոխել է ազգայնականության փուլ:
- 5) «Հայրենասերների միություն» խմբակը խնդիր էր դրել Եվրոպական երկրների օգնությամբ հասնել Արևելյան Հայաստանի ազատագրությանը:
- 6) «Սև խաչ» գաղտնի կազմակերպությանը աջակցել է Վանի ռուսական փոխհյուպատոսը:
- 7) 1850-60-ական թթ. հայ ազատական հոսանքի ներկայացուցիչների մեծ մասը հայ ժողովրդի կյանքի փոփոխությունը կապել է ապստամբական գործողությունների հետ:

47

Հայաստանի Հանրապետության խորհրդայնացմանը վերաբերող հետևյալ պնդումներից որո՞նք են ճիշտ:

- 1) 1920 թ. նոյեմբերի 19-ին տեղի ունեցած հայ-ռուսական հանդիպման ժամանակ Ռուսաստանի կառավարության ներկայացուցիչները խորհրդայնականալու դիմաց խոստանում էին նպաստել Հայաստանի 1914 թ. նախապատերազմյան սահմանների վերականգնմանը:
- 2) Բաքվում հրավիրված ՌԿ(Բ)Կ կենտկոմի կովկասյան բյուրոն և Ադրբեջանի կոմկուսի կենտկոմի համատեղ նիստը ընդունել է հայ-ռուսական «Հաշտության պայմանագրի» նախագիծը:
- 3) Հայ-ռուսական դեկտեմբերյան համաձայնագրով իշխանությունը անցնում է զինվորական հրամանատարությանը՝ Ռուբեն Տեր-Մինասյանի և ՌՄԴԽՀ կոմիսար Մոլիվանիի համատեղ ղեկավարությամբ:
- 4) Երևանում նախաստորագրված «Եզրափակիչ որոշման արձանագրությամբ» Ռուսաստանը Հայաստանին տրամադրելու էր 4,5 մլն ռուբլի անհատույց օգնություն:
- 5) Ալեքսանդրապոլի հայ-թուրքական հաշտության պայմանագրով Հայաստանը զրկվում էր բանակ պահելու իրավունքից:
- 6) Դեկտեմբերի 2-ին Երևանում ստորագրված հայ-ռուսական համաձայնագրով Հայաստանը հայտարարվել է «Սոցիալիստական Խորհրդային անկախ Հանրապետություն»:
- 7) Երևանում նախաստորագրված «Եզրափակիչ որոշման արձանագրությամբ» Ռուսաստանի և Ադրբեջանի կառավարությունները ճանաչում էին Հայաստանի իրավունքները Ղարաբաղի նկատմամբ:

48

Թվարկված պատմական իրադարձություններից որո՞նք են Արտաշես I-ի գործունեության հետևանք:

- 1) Կոմմագենեն միացվեց հայկական պետությանը:
- 2) Սահվանվեց թագավորի և նրա նախնիների պաշտամունքը:
- 3) Պոնտոսից հետ նվաճեց Տմորիքը:
- 4) Երկիրը վերածվեց թեոկրատական պետության:
- 5) Ստեղծվեց կանոնավոր և լավ զինված բանակ:
- 6) Ընդարձակվեց Փոքր Հայքի տարածքը:

7) Սահմանագատվեցին համայնքային և պետական հողերը:

49

Թվարկվածներից որո՞նք են ճիշտ արտացոլում պայմանագրերի իրական հետևանքները:

- 1) Ադրիանուպոլսի պայմանագրով Ռուսաստանին են անցել նաև Ախալքալաքն ու Ախալցխան:
- 2) 1724 թ. Կոստանդնուպոլսի պայմանագրով Թուրքիան ստացել է Շիրվանից արևելք ընկած երկրամասերը:
- 3) Բեռլինի պայմանագրով Ռուսաստանին էր մնում միայն Ալաշկերտը՝ շրջակա գավառներով:
- 4) Բրեստ–Լիտովսկի պայմանագրով ռուսական զորքը տեղակայվելու էր Կարսի և Բաթումի մարզերում:
- 5) Սան Ստեֆանոյի հաշտության պայմանագրով Էրզրումը և Բասենը վերադարձվել են Օսմանյան կայսրությանը:
- 6) Գյուլիստանի հաշտության պայմանագրով Ռուսաստանին են անցել Անապան, Փոթին, Կարսը, Մակուն:
- 7) 1736 թ. Էրզրումի պայմանագրով Պարսկաստանը կրկին վերականգնել է իր դիրքերը Արևելյան Հայաստանում և Արևելյան Վրաստանում:

Տրվածներից որո՞նք են ճիշտ արտացոլում իրադարձությունների պատճառահետևանքային կապերը:

- 1) Վանի հայության հուլիսյան նահանջի գլխավոր պատճառը անգլո-ռուսական հակասությունների խորացումն էր:
- 2) Անգլո-ֆրանսիական զորքերի կողմից իրականացված Դարդանելի գործողության պատճառը Կովկասյան ռազմաճակատում գործող դաշնակից ռուսական զորքերին աջակցելն էր:
- 3) Առաջին աշխարհամարտի ժամանակ հայ կամավորական խմբերի ստեղծման պատճառներից մեկը ռուսական զորքի օգնությամբ Արևմտյան Հայաստանի ինքնավարությանը հասնելու ձգտումն էր:
- 4) 17-րդ դարի վերջերին հայ ազգային ուժերի կողմից Ավստրիայի և եվրոպական այլ երկրների հակաթուրքական համագործակցությանն ապավինելու պատճառը Ֆրանսիայի կողմից Թուրքիայի պաշտպանությունը ստանձնելն էր:
- 5) Մայիսյան հերոսամարտերում ծանր հարվածներ ստանալու հետևանքով Թուրքիան հարկադրված էր Բաթումի բանակցությունների ընթացքում մեղմել իր պահանջները և Սուրմալուի գավառի մի մասը զիջել հայերին:
- 6) Մեծ Բրիտանիայի և Ավստրա-Հունգարիայի ճնշման հետևանքով Ռուսաստանը համաձայնել է Սան Ստեֆանոյի պայմանագիրը վերանայել Բեռլինում:
- 7) Առաջին համաշխարհային պատերազմի կողմ դառնալու հետևանքով Հայաստանի առաջին Հանրապետությունը մասնակցել է Բրեստ-Լիտովսկի պայմանագրի կնքմանը:

Տրվածներից որո՞նք են Փետրվարյան ապստամբության հետևանքներ:

- 1) Հասարակության մեջ հանդուրժողականության մթնոլորտ ստեղծելու նպատակով Հայհեղկոմը համաներում է ընդունել:
- 2) Կտրուկ վատթարացել է գյուղացիության դրությունը:
- 3) Խորհրդային իշխանությունները ձեռնամուխ են եղել հայկական բանակի աքսորված սպաներին հանրապետություն վերադարձնելու գործին:
- 4) Արցախը և Սյունիքը մնացել են ՀՄԽՀ կազմում:
- 5) Խորհրդային իշխանությունը ձեռնարկել է բնակչության ունեցվածքի կամայական բռնագրավումներ:

- 6) Մթափեցնող ազդեցություն է ունեցել խորհրդային իշխանությունների վրա, ստիպել է առավել զգուշորեն գործել:
- 7) Սկսվել է Խորհրդային Հայաստանի տնտեսության արդյունաբերացումը:

52

Ընտրե՛ք տերմինների ճիշտ բացատրությունները:

- 1) ԱՄՆ նախագահ Ռոնալդ Ռեյգանի տնտեսական քաղաքականությունը կոչվել է ռեյգանոմիկա:
- 2) Խաղաղությանը չհավատացողներին անվանում են պացիֆիստներ:
- 3) Ամերիկա աշխարհամասից դուրս բռնի ուժով իր ազդեցությունը տարածելու ԱՄՆ-ի քաղաքականությունը կոչվում է «մեծ մահակի» քաղաքականություն:
- 4) Խորհրդային Ռուսաստանի առաջին Բարձրագույն օրենսդիր մարմինը կոչվել է Ժողովրդավարական կոմիսարների խորհուրդ:
- 5) 17-րդ դարում առաջացած փոխկապակցված երկու գրական ուղղություններից մեկը կոչվում էր Բարոկկո, մյուսը՝ նատուրալիզմ:
- 6) 19-րդ դարի առաջացած գրականության և արվեստի նոր ուղղությունը՝ սիմվոլիզմը, թարգմանաբար կոչվում է խորհրդապաշտություն:
- 7) Երկրորդ համաշխարհային պատերազմի Արևմտյան ռազմաճակատում 1939 թ. սեպտեմբերից 1940 թ. մայիս ընդգրկող ժամանակաշրջանը կոչվում է «տարօրինակ պատերազմ»:

53

Տերմինների կամ հասկացությունների տրված բացատրություններից որո՞նք են ճիշտ:

- 1) Դորիացիների կողմից նվաճված աքայացիներին անվանում էին պերիոյկոսներ:
- 2) Աթենքի գլխավոր գործադիր պաշտոնյան կոչվում էր արքոնտ:
- 3) Աթենքի գերագույն օրենսդիր մարմինը կոչվում էր ապելլա:
- 4) Աթենքի տոհմային ավագանու ներկայացուցչին անվանում էին Էվպատրիդ:
- 5) Մպարտայում ավագների խորհուրդը կոչվում էր գերուսիա:
- 6) Մպարտայի գերագույն օրենսդիր մարմինը կոչվում էր Էկլեսիա:
- 7) Մպարտայում անձնապես ազատ աքայացիների հետնորդներին անվանում էին հելոտներ:

54

Տերմինների կամ հասկացությունների տրված բացատրություններից որո՞նք են ճիշտ:

- 1) Առաջին աշխարհամարտում պարտված երկրների կողմից հաղթող երկրներին վճարվող փոխհատուցումը կոչվում էր ռեպատրիացիա:
- 2) Ֆաշիստական Գերմանիայում 10-18 տարեկան երեխաներին ընդգրկող շարժումը կոչվում էր Հիտլերյուրգենդ:
- 3) Խորհրդային Ռուսաստանի օրենսդիր և գործադիր իշխանության բարձրագույն մարմինների ընդունած օրենքները կոչվում էին դեկրետներ:
- 4) Մի պետության կողմից մյուս պետության ամբողջ տարածքի կամ դրա մի մասի բռնի միավորումը կոչվում է ագրեսիա:
- 5) Տնտեսության որոշ ճյուղերի, հողի և մասնավոր սեփականության տարբեր ձևերի վերածումը պետական սեփականության կոչվում է ազգայնացում:
- 6) Դեն Սյաուպինը Չինաստանը ճգնաժամից հանելու նպատակով սկսեց իրագործել նոր քաղաքական կուրս, որն ստացել է «Մեծ թռիչք» անունը:
- 7) Ներուի ջանքերի շնորհիվ Հնդկաստանը դարձավ միջազգային կառույցի անդամ, որը հայտնի է «Չմիավորված երկրների կոալիցիա» անվամբ:

55

Տրված պնդումներից որո՞նք են ճիշտ:

- 1) Վարչավյան պայմանագրի կազմակերպությունը լուծարվել է 1989 թվականին:
- 2) ԱՄՆ-ի վարչակազմի «Ժողովրդավարության ընդլայնումը» ենթադրում էր, որ ԽՍՀՄ-ի նախկին արևելաեվրոպական դաշնակիցները կդառնան ՆԱՏՕ-ի անդամ:
- 3) 2001 թ. օգոստոսի 12-ին Եվրամիության և ԱՄՆ-ի միջնորդությամբ Սերբիայի կառավարության և ալբանական համայնքի ներկայացուցիչների միջև կնքվել է հաշտության համաձայնագիր:
- 4) Հայաստանը ներգրավված է «Եվրաստլանտյան համագործակցության խորհուրդ» կազմակերպությունում:
- 5) 1990-1991 թթ. բուռն իրադարձություններով սկսվել է Արաբական գարունը:
- 6) Շանհայի կազմակերպությունը հիմնադրել են Չինաստանը, Ռուսաստանը,

Ղազախաստանը, Ուզբեկստանը և Հնդկաստանը:

- 7) 2008 թ. օգոստոսին Վրաստանը պատերազմ սկսեց ընդդեմ Հարավային Օսիայի:

56

Թվարկվածներից որո՞նք են հանդիսանում Պերիկլեսի գործունեության արդյունք:

- 1) Պաշտոնի դիմաց մտցվեց վարձատրություն:
- 2) Վերացվեց պարտային ստրկությունը:
- 3) Մտցվեց օստրակիզմը:
- 4) Էկլեսիան վերածվեց պետության իրական ղեկավար մարմնի:
- 5) Մտցվեց բողոքարկման համակարգը:
- 6) Ստեղծվեց ատենակալների դատարանը:
- 7) Բնակչությունը բաժանվեց գույքային խմբերի:

57

Տրվածներից որո՞նք են ճիշտ արտացոլում իրադարձությունների պատճառահետևանքային կապերը:

- 1) 20-րդ դարի սկզբի ռուս-ճապոնական պատերազմը հետևանք էր Չինաստանի հյուսիսարևելքում, Կորեայում, Սախալինում և այլ տարածքներում իրենց գերիշխանությունը հաստատելու Ռուսաստանի և Ճապոնիայի ձգտմանը:
- 2) 20-րդ դարի սկզբին համաշխարհային տնտեսության փլուզման հետևանքով տարբեր երկրների միջև խորացել է մրցակցությունը հայրենական ապրանքների սպառման շուկաների համար:
- 3) ԱՄՆ-ում արդյունաբերական քաղաքակրթություն ձևավորվելու հետևանքով այն ստացել է ամերիկակենտրոն անվանումը:
- 4) 1916 թ. Արևելյան ճակատում Ավստրո-Հունգարիայի ջախջախման հետևանքով Բուլղարիան փրկվել է վերջնական պարտությունից:
- 5) Ռուսաստանում 1917 թ. տեղի ունեցած Փետրվարյան հեղափոխության հետևանքով իշխանության եկան ազգային քաղաքական ուժերը:
- 6) 20-րդ դարի սկզբին աշխարհի վերաբաժանման համար պայքարի ահագնացման հետևանքով արդյունաբերական քաղաքակրթության ճգնաժամը ստացել է համաշխարհային բնույթ:
- 7) Բալկանյան առաջին և երկրորդ պատերազմների հետևանքով սրվել են հակասությունները Անգլիայի և Ռուսաստանի միջև:

Թվարկվածներից որո՞նք են երևույթների կամ իրադարձությունների իրական հետևանքներ:

- 1) Հնդկաստանում 1931 թ. սկսված քաղաքացիական անհնազանդության ևս մեկ հուժկու շարժման արդյունքում Գանդին ու նրա չափավոր կողմնակիցները անհաջողություն ունեցան:
- 2) Առաջին աշխարհամարտից հետո Չինաստանի կենտրոնական իշխանությունը թուլացել էր օտարերկրյա տերությունների՝ հատկապես ԱՄՆ-ի, Գերմանիայի և Ֆրանսիայի միջամտության հետևանքով:
- 3) Մեծ Բրիտանիան և Ֆրանսիան ամեն կերպ փորձում էին ֆաշիստական խմբավորման ուժերն ուղղել ԱՄՆ-ի դեմ, ինչը նույնպես էական դեր խաղաց Երկրորդ աշխարհամարտի սանձազերծման գործում:
- 4) 1940 թ. հունիսի 22-ի անձնատվության պայմանագրով Ֆրանսիայի տարածքի 2/3-ը բռնազավթվել է Գերմանիայի կողմից, իսկ մնացած մասում ստեղծվել է խամաճիկային կառավարություն:
- 5) Երկրորդ աշխարհամարտի ժամանակ ԱՄՆ-ը, ԽՍՀՄ-ը և Ֆրանսիան միավորվեցին և իրենց ղեկավարների ջանքերով ստեղծեցին հակահիտլերյան միություն:
- 6) Թեհրանի խորհրդաժողովում կայացված համաձայնության արդյունքում ԽՍՀՄ-ը երեք ամիս անց միացել է իր դաշնակիցներին ու պատերազմ սկսել Ճապոնիայի դեմ:
- 7) Երկրորդ աշխարհամարտի ժամանակ սկիզբ է առել և հետո շարունակվել համաշխարհային գաղութային համակարգի փլուզման գործընթացը, որի արդյունքում ստեղծվել են բազմաթիվ նոր պետություններ:

Տրվածներից որո՞նք են ճիշտ արտացոլում իրադարձությունների պատճառահետևանքային կապերը:

- 1) Նախկին Ռուսաստանյան կայսրության տարածքում խորհրդային կարգեր հաստատվելուց հետո առաջացել է տնտեսության նոր տարածն՝ կոմունիստականը, որը ավարտուն տեսք է ստացել 1920-ական թթ. վերջին:
- 2) Գերմանիայում սուր պայքար էր գնում կոմունիստների և սոցիալ-դեմոկրատների միջև, որը ևս նացիստների կողմից իշխանությունը նվաճելու պատճառ է դարձել:
- 3) Ֆրանսիայի և Մեծ Բրիտանիայի կողմից տարվում էր Գերմանիայի խաղաղեցման քաղաքականություն, որի հետևանքով Հիտլերը կարողացել է նվաճել Ավստրիան, Իսպանիան և Հունգարիան:
- 4) Մուսսոլինիի կարևոր ձեռքբերումներից էր Վատիկանի հետ պայմանագրի կնքումը 1929 թ., որի արդյունքում Իտալիան և Վատիկանը միմյանց ճանաչեցին որպես սուվերեն պետություններ:
- 5) Երկրորդ աշխարհամարտից հետո Իտալիան «հաղթող երկրների մեջ պարտված» պետություն էր, որովհետև ոչ միայն չունեցավ տարածքային ձեռքբերումներ, այլև կրեց նյութական ու մարդկային խոշոր կորուստներ:
- 6) Խորհրդային երկիրը 1928-1940 թթ. ընթացքում որակական թռիչք ապրեց, որի արդյունքում Խորհրդային Միությունը դարձավ հետարդյունաբերական հզոր երկիր:
- 7) Քեմալականները, խուսանավելով Անտանտի և Խորհրդային Ռուսաստանի միջև, 1920-1922 թթ. կարողացել են նախ հաջողության հասնել Հայաստանի, այնուհետև Հունաստանի դեմ պատերազմներում:

Տրվածներից որո՞նք են ճիշտ արտացոլում իրադարձությունների պատճառահետևանքային կապերը:

- 1) Ֆաշիզմի ջախջախման գործում ունեցած իր մեծ ներդրման արդյունքում աննախադեպ աճել է Մեծ Բրիտանիայի հեղինակությունը, ընդլայնվել է նրա ազդեցության ոլորտը ամբողջ աշխարհում:
- 2) Կապիտալիստական աշխարհում անվիճելի առաջատար դարձած ԱՄՆ-ը համակերպվել էր ԽՍՀՄ-ի քաղաքական ազդեցության ընդլայնման հետ, որի արդյունքում երկու գերտերությունները կարողացան պահպանել համագործակցային հարաբերությունները:
- 3) Սպառազինությունների մրցավազքը, որ ծավալվել է սառը պատերազմի ժամանակ, մեծ վնաս է հասցրել ԽՍՀՄ-ի տնտեսությանը, ինչն էլ դարձել է խորհրդային գերտերության կործանման գլխավոր պատճառներից մեկը:
- 4) Սոցիալիստական համակարգի փլուզման արդյունքում միջազգային հարաբերությունների գործող համակարգը դադարեցրել է իր գոյությունը և առաջին անգամն էր, որ դա տեղի է ունեցել առանց պատերազմի:
- 5) Ասիայի ու Աֆրիկայի նորաստեղծ պետությունների զգալի մասի որոշումը՝ չկապել իրենց ճակատագիրը երկու գերտերություններից (ԽՍՀՄ, ԱՄՆ) և ոչ մեկի հետ, հետևանք է Շարլ դը Գոլի քաղաքական ազդեցության:
- 6) Հետպատերազմյան տնտեսական հարաբերություններում նոր երևույթ էր վերազգային և բազմազգ կորպորացիաների գործունեության ծավալումը, որն ի վերջո հանգեցրել է համաշխարհայնացման արդի գործընթացին:
- 7) Երկրորդ աշխարհամարտի ավարտից հետո Չինաստանում կոմունիստների և գոմինդանականների միջև ծավալված քաղաքացիական արյունալի պատերազմի արդյունքում հաղթեցին գոմինդանականները:

Ընտրել ք տերմինների կամ հասկացությունների ճիշտ բացատրությունները:

- 1) Արևմուտքի և Արևելքի զարգացած երկրներում ձևավորված արդի հասարակությունը հայտնի է արդյունաբերական հասարակություն անունով:
- 2) Երկրորդ համաշխարհային պատերազմից հետո ստեղծված աշխարհակարգը հայտնի է միաբևեռ աշխարհ անունով:
- 3) Վրաստանում, Ուկրաինայում և Ղրղզստանում 2003-2005 թթ. տեղի ունեցած իշխանափոխությունները հայտնի են «գունավոր հեղափոխություններ» անունով:
- 4) ԽՍՀՄ մշակույթի մեջ տիրապետող սկզբունքը կոչվում էր սոցիալիստական ռոմանտիզմ:
- 5) Նորագույն շրջանի մշակույթի առաջին փուլում տիրապետող ուղղությունը կոչվում է մոդեռնիզմ:
- 6) Արդի Եվրոպայում ձևավորված միջազգային կրթական համակարգը հայտնի է Բոլոնիայի գործընթաց անունով:
- 7) Արևմտյան Եվրոպայում հետպատերազմյան շրջանում ստեղծված սոցիալ-տնտեսական և քաղաքական մոդելը ստացել է բարօրության պետություն անվանումը:
- 8) Հունգարիայում, Ռումինիայում և Լեհաստանում ձևավորված սոցիալիստական հասարակությունը կոչվում էր «ինքնակառավարվող սոցիալիզմ»:

Տրված պնդումներից որո՞նք են ճիշտ:

- 1) ԱՄՆ-ը Ճապոնիայի վրա ատոմային ռումբեր է նետել նրան անձնատվության ստիպելու և աշխարհին իր նորաստեղծ զանգվածային զենքը ցուցադրելու նպատակով:
- 2) Ստալինգրադի ճակատամարտում խորհրդային զորքերի հաղթանակն արագացրել է հակահիտլերյան կոալիցիայի ստեղծումը:
- 3) Պոտսդամի խորհրդաժողովում Թուրքիայից տարածքային պահանջների դիմաց ԽՍՀՄ-ը ստացել է Կուրիլյան կղզիները:
- 4) 1944 թ. աշնանը՝ Մուսոլինիի վարչակազմի տապալումից հետո, Իտալիան պատերազմ է հայտարարել Գերմանիային:
- 5) Մոսկվայի ճակատամարտում խորհրդային զորքերի հաղթանակից հետո Անգլիան հայտարարել է պատերազմում ԽՍՀՄ-ին աջակցելու մասին:
- 6) Հարավսլավիայում գյուղատնտեսության կոլեկտիվացումը կատարվել է միայն կամավոր սկզբունքով:
- 7) Իրանում 1962 թ. սկսված բարեփոխումների շրջանը կոչվել է «սպիտակ հեղափոխության» շրջան:
- 8) Իտալիայում գրված «Հայերը՝ արիացիներ» աշխատության շնորհիվ հայ ժողովուրդը փրկվել է Գերմանիայի կողմից ռազմակալված տարածքներում ցեղասպանության ենթարկվելուց:

Հայ մշակույթին վերաբերող հետևյալ պնդումներից որո՞նք են ճիշտ:

- 1) Մեսրոպ Մաշտոցը, Սահակ Պարթևը, Կոմիտաս կաթողիկոսը հորինել են շարականներ՝ եկեղեցական արարողություններին և տոներին երգելու համար:
- 2) Նարեկի վարդապետարանը իր զարգացման բարձրակետին հասել է աշխարհահռչակ բանաստեղծ Գրիգոր Նարեկացու ուսուցչապետության տարիներին:
- 3) Հայ պատմագրության մեջ համաշխարհային պատմության շարադրանքի ժանրը՝ որպես նոր ուղղություն, հիմնադրել է Մատթեոս Ուռհայեցին:
- 4) Կիլիկյան Հայաստանում կրթական գործի կազմակերպումը տնօրինում էր ոչ միայն Հայոց եկեղեցին, այլև՝ պետությունը:
- 5) Հայ պատմագրության մեջ ժամանակագրություն ժանրի հետևորդներ են Մովսես Կաղանկատվացին, Արիստակես Լաստիվերցին, Սմբատ Գունդստաբլը:
- 6) Աղթամարի Ս. Խաչ եկեղեցին նախագծել և կառուցել է Բագրատունիների արքունի ճարտարապետ Մանուելը:
- 7) Նոր Զուղայի հայկական առաջին տպարանը ամբողջովին ստեղծվել է տեղում՝ չունենալով տպագրական գործի վարպետ:
- 8) Բագրատունյաց Հայաստանում, Զաքարյանների իշխանությունում, Կիլիկյան Հայաստանում մեծ վերելք է ապրել ամրոցաշինությունը:

Ընտրել ք տերմինների կամ հասկացությունների ճիշտ բացատրությունները:

- 1) ՀՄԽՀ Կենտրոնական գործադիր կոմիտեն ստեղծեց երկրի գործադիր իշխանության նոր բարձրագույն մարմին՝ Ժողովրդական կոմիսարների խորհուրդ:
- 2) Թուրքիայից պատերազմի իրավունքով գրավված Արևմտյան Հայաստանում 1916 թ. ամռանը ստեղծված վարչական միավորը կոչվեց հատուկ գեներալ-նահանգապետություն:
- 3) Իտալիայի Սան Ռեմո քաղաքում Թուրքիայի հետ հաշտության պայմանագրի նախագիծը մշակած մարմինը տերությունների Տասի խորհուրդն էր:
- 4) Հայ առաքելական եկեղեցու ունեցվածքի բռնագրավման դեմ պայքարը զլխավորելու նպատակով ստեղծված մարմինը կոչվեց «Ինքնապաշտպանության կենտրոնական կոմիտե»:
- 5) Միացյալ և ազատ Հայաստան հռչակելու անհրաժեշտության մասին բանաձև ընդունած մարմինը կոչվում է Արևմտահայերի 2-րդ համագումար:
- 6) Հաճրնում քեմալականների դեմ հայության ինքնապաշտպանությունը կազմակերպող մարմինը կոչվում էր ինքնապաշտպանության զինվորական կոմիտե:
- 7) Նորաստեղծ Խորհրդային Միության բարձրագույն օրենսդիր մարմինը ԽՍՀՄ պատգամավորների առաջին համագումարն էր:
- 8) ՀՅԴ առաջին ընդհանուր ժողովում կուսակցությունը կոչվեց «Հայ հեղափոխական դաշնակցություն»:

Արցախյան առաջին պատերազմի շրջանի իրադարձությունները դասավորել ք ժամանակագրական հաջորդականությամբ:

- 1) Քարվաճառի շրջանի ազատագրումը:
- 2) Մարտակերտ քաղաքի ազատագրումը:
- 3) Քարինտակի մատույցներում հայկական ուժերի տարած հաղթանակը:
- 4) Զանգելանի (Կովսական) շրջանի ազատագրումը:
- 5) ԼՂՀ Պաշտպանության պետական կոմիտեի ստեղծումը:
- 6) Լաչինի (Բերձոր) ազատագրումը:

66

Իրադարձությունները դասավորե՛ք ժամանակագրական հաջորդականությամբ:

- 1) Խորհրդա-գերմանական չհարձակման համաձայնագրի կնքումը:
- 2) Ներուի ընտրվելը Հնդկական ազգային կոնգրեսի նախագահ:
- 3) «Մյունխենյան գործարք»-ի կնքումը:
- 4) Իտալական բանակի ներխուժումը Եթովպիա:
- 5) Ճապոնիայի դուրս գալը Ազգերի լիգայից:
- 6) Իտալիայի դուրս գալը Ազգերի լիգայից:

67

Բագրատունյաց արքաների կառավարման շրջանում տեղի ունեցած պատմական իրադարձությունները դասավորե՛ք ժամանակագրական հաջորդականությամբ:

- 1) Անիի հռչակումը հայոց մայրաքաղաք:
- 2) Դավիթ Անհողինի անհնազանդության սկիզբը:
- 3) Դոդսի հաղթական ճակատամարտը:
- 4) Անիի Աշոտաշեն պարիսպների կառուցումը:
- 5) Անիի Սմբատաշեն պարիսպների կառուցումը:
- 6) Կաթողիկոսական աթոռի տեղափոխումը Արգինայի վանք:
- 7) Ծումբի հաղթական ճակատամարտը:

68

Իրադարձությունները դասավորե՛ք ժամանակագրական հաջորդականությամբ:

- 1) Հալեպում հաշտության կնքումը թուրքական կառավարության և զեյթունցիների միջև:
- 2) Մկրտիչ Փորթուգալյանի վտարումը Վանից:
- 3) Սասունի ինքնապաշտպանական ժողովի գումարումը գյուղապետ Գրգոյի տանը:
- 4) Մալաթիայի հերոսամարտը Եղիշե քահանա Խաչատրյանի գլխավորությամբ:
- 5) Հնչակյան կուսակցության մասնաճյուղերի ստեղծումը Կարինում և Տրապիզոնում:

- 6) Մկրտիչ Ավետիսյանի, Մարտիրոս Սարուխանյանի, Ալեքսանդր Պետրոսյանի նահատակությունը:
- 7) Թուրքական իշխանությունների կողմից Պապիկ Նորաշխարհյանի ճանաչումը Ջեյթունի քաղաքագլուխ:

69

Իրադարձությունները դասավորե՛ք ժամանակագրական հաջորդականությամբ:

- 1) Միջազգային կարմիր խաչի ընկերության ստեղծումը:
- 2) Վերսալի պայմանագրի ստորագրումը:
- 3) Անգլո-բուրական պատերազմի ավարտը:
- 4) Միջազգային օլիմպիական կոմիտեի ստեղծումը:
- 5) Բալկանյան առաջին պատերազմի սկիզբը:
- 6) Վաշինգտոնի խորհրդաժողովի հրավիրումը:
- 7) Իտալիայի միանալը Անտանտին:

70

Պատմական իրադարձությունները դասավորե՛ք ժամանակագրական հաջորդականությամբ:

- 1) «Ժողովուրդների ճակատամարտը» Կատալաունյան դաշտում:
- 2) Վորմսի համաձայնագրի կնքումը:
- 3) Լատինական կայսրության ստեղծումը:
- 4) Յարմուքի ճակատամարտը:
- 5) Թեոդոսիոս I –ի կողմից Հռոմեական կայսրության բաժանումը երկու մասի:
- 6) Խաչակրաց առաջին արշավանքի սկիզբը:
- 7) Հայկական արքայատոհմի գահակալման ավարտը Բյուզանդիայում: